



CHIN NATIONAL FRONT

General Headquarters Chinland

Website: www.cnhqr.org

Email: cnf.headquarters@gmail.com

Chin National Front Kum 74^{nak} Miphun Ni Cathanh (1/2022)

2022 Nohawng 20

“Chin Miphun Ni” timi cu Chin Ramukbawi hna nih Chin phung le lam in mahle khuatlang uknak in Chin miphun pakhat sinak ah ifun i Chinram huap in zauk phung in uknak ah thlen i Chin miphun lungtualnak kan rak serknak ni sunglawi asi. Atu lio caan hi ralhrang hna ruangah Chin miphun dihlak thlalau vansang in kan um lio caan asi caah Chinram le Chin miphun kan dawtnak cu a sangbik in langhter ding asi.

Chinram zalennak cu British sinin rianrang in kan hmuh khawh nakhnga British nih rak penmi Myanmar, Shan, le Kachin colony hna he 1947 Panglong hnatlaknak in Federal Ramkomh cu rak dirhti asi. Federal Ramkomh ah Chin miphun nih mahte khuakhan lairelnak le federal zauk phung cu hman dingin kan rak izuam len nain nihin tiang kan tlamtlinh kho rih lo.

Cucaah, Chinram sernak le Federal Ramkomh sernak kha chuaklak in kan kalpi khawh nakhnga tuanbia nih khinhmi ttuanvo kan ngei. Chin mipi nih ttuan dingmi rianpi pathum an um. Ralhrang uknak telh in hramhram uknak phung paoh dohhrawhnak rian, mahte khuakhan lairelnak nawl a hmanngmi Chinram sernak rian le Ramkomh chungtel Ram pawl cungah hram a bunh i miphun itlukruannak a ummi Federal Ramkomh sernak rian hna an si.

Hramhram Uknak Phung Dohhrawhnak

1. Federal Ramkomh dirhtu hna i an hmuhtinh a si mi mahte khuakhan lairelnak le federal zauk phung cu ttuan chuah khawh lo dingin hramhram uktu hna nih mipi nawlgeihnak cu an chuh i mipi kha an hremnak le an uknak hi kum 60 leng asi cang.

Kum 2021 ah aa thawkmi ‘Pau Dohthlennak’ cu mipi nawlgeihnak kha mipi nih lak thannak, Ramkomh chungtel Ram hna nih mahte khuakhan lairelnak nawl hmannak le Ramkomh chungtel Ram pawl cungah hram a bunh i miphun itlukruannak a ummi Federal Ramkomh sernak caah tuahmi mipi dohthlennak asi. Cucaah, Ralhrang uknak telh in hramhram uknak phung paoh kha kan hrawh lai, Ramkomh dirhtu hna hmuhtinh kan tlinh tiang kan doh hna lai. Chin mipi dohthlen phu pawl thazaang kha ifun i hramhram uknak cu mipi thazaang in kan donghter lai.



Chinram Sersiamnak

2. Kan miphun ramkhel tinhmi cu mahte khuakhan lairelnak nawl a hmangmi Chinram sernak asi. Cucaah, Chinram sersiamnak hi miphun ttuanvo asi. Ramkhel, humhinnak, chawkhelnak, zatlaang le nunphung rian vialte cu Chinram mipi nih kanmah tein ttuanvo kan lak lai, mah kut le ke tein kan ram kan ser hna lai. Chinram sersiamnak rian cu Chin National Front/Chin National Army (CNF/CNA), Caankarlak Chin Miphun Ceihkhannak Bu (ICNCC), Chinram Runvennak Bu (CJDC) hna he kutsih in Chin mipi nih kanmah le kan sining cio in ttuanvo kan lak hna lai.

Federal Ramkomh Sersiamnak

3. Mipi Tonpumnak nih Federal Ramkomh sernak caah *Federal Democracy Charter* cu a fehter cang. Cucaah, Federal Ramkomh cu mahte khuakhan lairelnak nawl le ramkhel itlukruannak a ngeimi Ramkomh chungtel Ram pawl hrambunh in kan ser hna lai. Ramkomh phungsernak, uknak, biaceihnak, runvennak hna cu Chinram mipi telh in Ramkomh chungtel Ram pawl i mipi hna nih kanmah tein kan ser hna lai. Federal Ramkomh sersiamnak rian cu Rampi Lungrual Ceihkhannak Bu (NUCC), Rampi Lungrual Cozah (NUG), Nawlpek le Tuanrel Bu (C3C) hna he kutsih in mipi nih kanmah le kan sining cio in ttuanvo kan lak hna lai.

“Kum 74^{nak} Miphun Ni” cu Pathian nih thluachuah pe ko seh. Hramhram uknak rawk ko seh. Mipi dothlennak nih teinak hmu ko seh. Chinram sersiamnak cu hlawhtling ko seh. Federal Ramkomh sersiamnak cu hlawhtling ko seh.

Chinram le Chin miphun cungah Zingnu thluachuah vanni tlung ko seh.

Central Executive Committee
Chin National Front

